

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst („Sužbene novine Zeničko-dobojskog kantona“, br. 7/10. i 3/23.), a u skladu sa članom 42. Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24 i 6/25) i Programa utroška sredstava Ministarstva za obrazovanje, nauku, kulturu i sport u razdjelu 22, budžetska organizacija 01, potrošačka jedinica 0001-Ministarstvo za obrazovanje, nauku, kulturu i sport, ekonomski kod 615300, Budžeta Zeničko-dobojskog kantona za 2025. godinu, pozicija „Kapitalni transferi neprofitnim organizacijama“, broj: 02-11-2371/25 od 07.02.2025. godine i broj: 02-11-8645/25 od 25.04.2025. godine na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 89. sjednici, održanoj 10.07.2025. godine, d o n o s i

O D L U K U

o odobravanju sredstava sa pozicije „Kapitalni transferi neprofitnim organizacijama“ u 2025. godini

Član 1. (Predmet)

Odobravaju se sredstva neprofitnim organizacijama sa područja Zeničko-dobojskog kantona u iznosu od 400.000,00 KM (slovima: četiristotinehiljadakonvertibilnihmaraka) u svrhu sufinansiranja projekata izgradnje, rekonstrukcije i sanacije vjerskih objekata i objekata koji imaju status nacionalnih spomenika na području Zeničko-dobojskog kantona.

Član 2. (Analitika konta)

Odobrena sredstva iz člana 1. ove odluke isplatit će se iz Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24.), razdjel 22, budžetska organizacija 01, potrošačka jedinica 0001-Ministarstvo za obrazovanje, nauku, kulturu i sport, ekonomski kod 615300 pozicija „Kapitalni transferi neprofitnim organizacijama“.

Član 3. (Uplata sredstava)

Odobrena sredstva iz člana 1. ove odluke isplatit će se na osnovu Programa utroška sredstava sa kapitalnog transfera neprofitnim organizacijama u 2025. godini, na transakcijske račune prema pregledu sačinjenom na osnovu poziva vjerskim zajednicama koje djeluju na području Zeničko-dobojskog kantona, a koji čini sastavni dio ove odluke.

Član 4. (Ugovor o prenosu sredstava)

Ovlašćuje se ministar Ministarstva za obrazovanje, nauku, kulturu i sport da potpiše ugovore o prenosu sredstava sa ovlaštenim predstavnicima vjerskih zajednica, sa ciljem realizacije odobrenih sredstava iz člana 1. odluke.

Član 5. (Izvjestavanje)

Korisnici sredstava su dužni Ministarstvu za obrazovanje, nauku, kulturu i sport, po okončanju projekta, odnosno utroška odobrenih sredstava, u roku od 15 dana, dostaviti izvještaj o namjenskom utrošku istih, a najkasnije u roku od godinu dana od dana doznačavanja sredstava iz člana 1. ove odluke.

Član 6.
(Realizacija Odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 7.
(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-13396/25

Datum, 10.07.2025. godine

Zenica

PREMIJER

Nezir Pivić

DOSTAVLJENO:

1x Ministarstvo za obrazovanje, nauku, kulturu i sport,

1x Ministarstvo finansija,

1x „Službene novine Zeničko-dobojskog kantona“,

1x a/a.

Pregled raspodjele sredstava sa kapitalnog transfera neprofitnim organizacijama u 2025. godini

SUBJEKT	PROJEKAT	IZNOS SREDSTAVA (KM)
Srpska pravoslavna Crkvena opština Zenica	Instalacija grijanja u Hramu rođenja Presvete Bogorodice	42.500,00
Srpska pravoslavna crkvena opština Visoko	Izvođenje građevinsko-zanatskih radova na objektu Parohijskog doma-Sveštanička kuća	42.500,00
Muftijstvo zeničko	Uređenje muzeja u prostorijama Muftijstva	20.000,00
Medžlis Islamske zajednice Zenica	Druga faza izgradnje gradske gasulhane	70.000,00
	Izgradnja divanhane	30.000,00
	Izgradnja ograde i nadstrešnice sa šadrvanom u haremu džamije Blatuša	30.000,00
Medžlis Islamske zajednice Kakanj	Završetak projekta zidanja kamenog haremskog zida sa dva lica harema džamije u K.Sutjesci	25.000,00
Župa sv. Ilije Novi Šeher	Rekonstrukcija krovšta župne crkve, II faza	30.000,00
Medžlis Islamske zajednice Vareš	Rekonstrukcija krova na zgradi Omladinsko-edukativnog centra	20.000,00
Svetište Majke Božje-Gospe Olovske	Sanacija postojeće krovne konstrukcije i izrada krovne konstrukcije na dograđenim dijelovima crkve	80.000,00
Medžlis Islamske zajednice Visoko	Islamski centar sa džamijom Luke	10.000,00
	Ukupno	400.000,00